

撫州府志卷五十八

人物志

儒林二目錄

國朝

何輝仁 王覺圖 黃益韻 陳珠 陳元澄

歐陽健 甘棠 陳一鴻 鄧官賢 余寅止

洪占銓 黃錫稷 謝階樹 鄒夢蓮 黃迪筠

原敬 詹龍光 游閑 王鼎

撫州府志

卷五十八

儒林 目錄

一

撫州府志卷五十八

人物志

儒林

國朝

何輝二字遠鴻臨川人別號甌峯居邑南鄉九十八都古
崇源八歲能文比長力追古大家何義門焯王疇五思
訓嘗序其時文行世登雍正癸丑進士以知縣分發直
隸歷署行唐慶雲等縣補授平谷縣愛民如子遇會勘
等案多直其事不肯因勢要窺一小民遂爲時忌甫踰
六十卽乞歸教授山中來學者日眾以致知力行博古
通經爲王允遂於易手批易經大全諸書不下數萬言

撫州府志

卷五十八

人物 儒林

一

所作動靜說數說五行說太極附義等說約二卷多前
人所未發嘗語學者易有太極實實有太極不只是陰
陽未分爲太極不只是陰陽恰中爲太極又不只是陰
含陽爲太極又不只是一事一理爲太極這都是先儒
拘煞道理去捉摸的話某只說運動是太極天是太極
地中無非天也易畫一奇是太極六子震初是太極六
十四卦七十二候復初是太極開端一箇貫首尾只一
箇耳若以爲不然試看有天有日月以來有一息不運
行否地生長收藏有一息不承天之氣否其所以分晝
夜寒暑升降消長者則地塊形質之分限也又曰畫一
奇以象陽故曰易有太極天行健也畫一偶以象陰則

兩儀矣天爲太極終古行健無有息也日月天運也無有息也寒暑晝夜升降消長天運也無有息也又曰有天以內人謂之空寂之處皆天也無不運也地受其運而塊處焉所以區日月寒暑而東南西北之也所以半日月寒暑而晝夜春秋之也皆地塊之分限也又曰天之大人猶有憾有形質故也地者天之形質也以上門人洪儲厚齋所記其他門人各有所記不盡錄又著有增訂蘇批孟子七卷楚辭評註八卷與時文俱行世又大學論文衍義一卷中庸論文衍義二卷批點公羊穀梁盤庚檀弓樂記各一卷詩古文四卷藏於家乾隆己卯卒年七十九

撫州府志

卷五十六

人物 儒林

二

王覺圖字京山別號我峯臨川人安貧力學教人以求放心爲主每遇學者必問胸中這些子若何問何爲些子曰孟子幾希是也有之則生無之則死如是數十年未嘗一日倦人呼爲幾希先生常作心齋賦以見志其詞曰惟道之克實兮無美不備惟德之光輝兮無大可際緬維皇之降衷兮乃聖神之所自此天命之靈府古今之正位無方無體何思何慮故巷不陋顏之心墻不礙孔之視用則四海皆春舍則栖遲衡秘謂之廣居安宅謂之春臺樂地名百出而不拘號曰心齋何異予生也鄙坐美室而形穢處大厦而身促爰閉戶以藏修養天君之沕穆困寒暑之十易兮恍一陽之來復嗟平旦之

幾希兮慮措亡之反覆苟非戒謹恐懼之握其根於隱
微何由喜怒哀樂之通其事於位育唯仁人能反求諸
心思君子之必慎其獨丁甲戌之仲春兮爲饑驅而索
米以旬讀爲人師雖猥鄙其焉避路委折而穢積穴幽
僻而深邃簷一線而天小窗一掬而光穉非虎負隅非
兕野寄月夕花晨空尋詩酒之約岳嘲隴諄爲爽疇昔
之議顧影相憐躊躇滿志幸心齋之曠曠遮莫主人以
徜徉直衝千古橫徧八荒譬堯天之一室寬如天地類
考亭之半畝鑑徹方塘包宇宙而非小超形智而難量
將窮神知化之不離乎此實主靜立極之永以爲常是
則從大體者之所以立其大致良知者之所以充其良

撫州府志

卷五十六

人物 儒林

三

放之蓋彌於六合卷之則於密而退藏此心齋之大槩
究不能道其精詳時則齋長出而亂曰大虛浩浩天載
茫茫觀子之賦抑何猖狂苟是內而非外曷內外之兩
忘解黃衣與狐裘貫酒於杏花之鄉其詩文多類此乾
隆庚子卒年八十一卒前數日與門人許載功等書曰
汝向者頗急功名與物相刃相靡孟子書中兩箇哀哉
我見世上多少轎車挽他不轉要知度人經不在四子
書外汝宜速來此一見也比至則極言此心此理之同
不可一息亡且曰幾希之說久已講明今再爲汝添一
註脚將手空中畫一大圈曰包羅萬象此心千古問尙
有說否曰此外更無可說卒之日正襟端坐謂家人曰

汝等環泣以死爲苦耶人苟知天地之道此時與千古
賢達一路風光至樂無量何苦之有因朗吟曰企足踏
白雲伸手扶蒼天不到九霄上安知天地寬吟畢而逝
有詩文稿若干卷藏於家

黃益韻字聲先號華麓崇仁人敦尚孝友潛心書史歷寒
暑晝夜不輟既舉於鄉五上春官不第時少宗伯興國
王公副憲金谿江公率子弟師事之初揀知縣改授廬
陵教諭以年老辭卒年八十四

陳珠字冠玉號昌齋崇仁人爲諸生不遇棄舉業潛心宋
五子書事繼母盡孝康熙甲寅父母俱被賊殺事平賊
逃竄冠玉刺血鳴冤卒得賊伏法甯都寇攻圍官城集

撫州府志

卷五八

人物 儒林

四

義勇守禦嗣以選貢銓浮梁教諭年已八秩矣猶立規
條勤訓課三年乞休孫沂震植品敦倫克繩祖武亦以
明經官浮梁教諭

陳元澄字志清崇仁人爲諸生品學負一邑望乾隆十三
年邑侯陶公燮奉制府檄求文行端莊之士以志清應
列名旌善亭年六旬餘以歲貢登解首三場進 呈屢
上春官不第 賜翰林院典簿繼復 賜太常寺博士
銜邑侯曹公蓋聘主講義學多所成就所著書見藝文
志子兆傑 恩賜副榜孫秉珪恩貢生曾孫世榮副貢
生

歐陽健號毅齋崇仁人經史靡不貫穿年四十始入翰林

時父飛予告在籍教齋乞假還將終養不與散館而飛促之行甚力既至京而訃至以是痛自怨艾終其身不與散館曰以誌余恨性疎簡一時貴人如和碩莊親王福敬齋郡王皆禮以賓師岸幘自重從無干請人服其高

甘棠字致亭崇仁人邑廩生九歲讀毛詩至燕燕于飛章輒出涕稍長以父久客無耗往求之同舟有挈眷者諷贅以女不可數年遇父於茅屋風雪中痛哭勸父歸弟早世撫姪如子家貧甚讀書燈不繼輒以香火上下之窮究諸經期於實踐嘗路遺遺金邑侯旌其賢所著書見藝文志子揚聲舉人官河南杞縣知縣

撫州府志

卷五十六

人物 儒林

五

陳一鴻字蘆村崇仁人歲貢七歲能文一日避雨學宮則朗誦貼牆告示學師見之試以題頃刻立就大器之贈以筆硯茶食令門斗張蓋送歸食饋後學使王文正公重其品行懸牌獎為超等生平博極羣書動履嚴正道光辛巳改元邑舉孝廉方正辭不就與修縣志殫精攷証常作格致補傳說臨川紀大奎暨李培謙嘆其有功於紫陽不小所著書見藝文志子樹森道光壬辰 恩科舉人

鄧官賢字建侯宜黃人順治歲貢與兄象賢讀書足不出戶純修確踐深造以道尤嗜易嘗做焦氏易林作續繇十六卷後改題曰爻書以為不敢附繇亦不敢附易林

然繇與林皆言數此獨根於理以發三百六十四爻之
蘊臨川紀大奎序之以行世謂此書心學非數學益焦
氏之書所未及也性孤介恥求知於人惟與臨川傅平
叔占衡相友善有竜書堂詩集十四卷衡山雜錄十卷
余寅止字子安宜黃人父國柄豪邁好義年逾三十卒母
氏羅捐置余氏義莊杏溪常豐莊學田祀產承六志也
寅止少喜讀老子參同契晚年潛心易理講求程朱之
學乃喟然曰學者讀書當返求諸身心實措諸倫常日
用泛涉終無益也由是薈萃儒先旨要反覆研究而於
濂溪光風霽月氣象尤心慕焉時有名流宿學聞風造
訪無不虛衷諮詢默識審思以求其益故足不出里閭

撫州府志

卷五十六

人物 儒林

六

而所學日進以布衣終孫錫璋嘉慶己卯舉於鄉

洪占銓號介亭宜黃人宋觀文殿學士文惠公後也幼穎
異熟精馬氏通考凡歷代興作利弊皆洞悉原委乾隆
己酉拔貢生授武甯縣教諭嘉慶戊午魁於鄉壬戌成
進士入庶常彭文勤公元瑞極器之乙丑散館授編修
庚午試差以詩膺 上知有爲雲常捧日未雨不還山
之句是年主陝甘鄉試嘗自念忠宣公父子兄弟文章
氣節冠絕當時因遍求遺稿盡得之顏所居曰小容齋
志承先也壬申十月病卒京師年五十有一有小容齋
詩集十卷行於世

黃錫綬號定軒宜黃人捷山子己酉拔貢是年舉於鄉登

嘉慶壬戌二甲進士 御試保和殿第一入翰林乙丑
散館改戶部主事奉職數月以母老引疾歸事母以孝
聞邑中諸義舉有利益於人之事必盡力爲之挿架多
藏書熟復先秦兩漢之文及漢唐宋諸儒說經家法古
文根柢深厚諸體詩邊幅闊大於李杜韓蘇諸集用力
最久旁及音律聲韻岐黃青鳥悉透單微道光甲申年
六十有六會當事有修輯縣志之檄力任其勞如是者
一年書成十之九逾年四月卒子爵樞嘉慶癸酉拔貢
能世其家學

謝階樹號向亭宜黃人博學強識爲文快心一往綿邈無
際詩清妍工各體書楷法尤莊麗中嘉慶戊午鄉試戊

撫州府志

卷五十六

人物 儒林

七

辰登進士殿試第二人授翰林院編修庚午順天鄉試
甲戌會試同考官督學湖南遷翰林院侍讀侍講學士
降補翰林院侍講卒年四十八其視湖南學政也絕干
請釐積弊外肅而內和訓士子以先器識後文藝武童
多重名應試先令其師與廩生互結唱名時側立辨識
遂莫能隱適湘潭市人及江西估客爭鬪與訟倚顯宦
爲左右袒督撫不能決詢之階樹階樹但專職衡文不
置一喙試竣回京 上問此事曲直奏對平允語軍機
大臣曰朕今日始明自此事講官例得條陳上書萬餘
言求綜覈名實興利革弊留 中未發鄉舉後同邑程
卓樑方守黎平延課子姪黔南峯谷峭峻江流湍急有

以助其磅礴崢嶸之氣而詩文益工見理愈明爲約書六十篇更於誠正治平之要深有所得著有守約堂詩文集數十卷合璧聯珠十餘卷記事珠數十卷皆未刻其已刻者沅槎唱和集澧州唱和集子煥畧涿州通判煌道光丁未進士 欽點兵部主事湖南糧儲道

鄒夢蓮號曉江宜黃人五齡時師授以西銘正氣歌即能會其旨稍長爲文捷若夙構時諸生專經夢蓮兼通諸經乾隆己酉舉於鄉從見近思錄諸儒先書遂反覆研究務求心得與余寅止黃立亭以性道相切劘教弟子嚴而有法雖盛暑必肅衣端坐故從遊者恂恂有守後以大挑補興安教諭清理學田爲課士經費仍捐俸擴

撫州府志

卷五十八

人物 儒林

八

克之在任十三年士風一振年六十五乞假歸興安人
士祀於學齋之左著述甚多惟曉江文鈔二卷梓行

黃廸筠字顯淇宜黃人嘉慶戊辰舉於鄉以大挑補奉新訓導丁內艱服闋授進賢教諭辭不赴咸豐元年舉孝廉方正辭不就奉母先意承志無間始終持家肅穆以孝弟爲先居恆論學則謂秦火而後經漢儒考據訓詁道始大明間亦有附會牽強之弊及宋儒講辨敷衍道因益尊間亦有迂廓繁瑣之病蓋其融會貫通期有得於心耳生平以文行勗士外讀書近萬卷手批圈抹者數千卷餘事發爲古今詩文駢體論解考辨百數十卷卒年八十一以孫式度官馳贈奉政大夫

原敬本姓元字元功號畏齋樂安人良曾孫康熙壬午歲
貢學主居敬窮理實體力行閩撫軍張聘掌九閩書院
校正先儒理學諸書匾贈豫章文獻中丞郎方伯傅聘
主白鹿洞講力闡聖賢之學時有白鹿重來枯桂復榮
登壇時雨之異著有鹿洞彙錄正誼堂語錄敬六軒西
齋語錄福建巡撫張公伯行江西巡撫佟公國襄序而
刻之以行於世卒祀鄉賢以子徵虬贈武信郎

詹龍光號近軒樂安人乾隆戊子領鄉薦壬辰成進士性
純篤事寡母以孝聞生平淡於世味寢饋經史靜與身
心相體驗天人理欲之界疑似微茫之間辨析甚精故
持身處世無一毫苟且著有近軒詩文集若干卷子觀

撫州府志

卷二十八

人物 儒林

九

易同舉於鄉侍父留京數載竭力服勞主司劉星煒稱
其學有經法通知時事行無瑕尤直似古人有竹樓遺
稿藏於家

游閩樂安人道光甲午鄉舉性靜嗜古於書無所不窺其
師友皆志道士時相切磨爲經世有用之學嘗撰物理
分配五行圖及中庸字義分合圖說具有心得生平不
預外事惟學宮城垣歲久傾頽一出領袖工及半而病
卒學者稱白齋先生著詩義序說合欽五卷防禦纂要
一卷救荒策一卷守墨山房遺稿四卷行世

王鼎字定伯東鄉人幼嗜學博極羣書康熙癸酉舉於鄉
飭躬勵行以古道自持常曰儒者貴立身吾務求其實

不惟其名性耿介言笑不苟至與人語孝友事輒津津
不倦士林咸相推服年八十餘卒子夢傳邑庠孫士勤
郡諸生

撫州府志

卷五十六

人物 儒林

十




撫州府志

00250113

139

部=27



撫州府志卷五十九

人物志

文苑一目錄



唐

楊志堅

宋

蔡元導 謝逸 謝邁 曾紆 李鄒

黃希 吳沆 吳澥 鄧勳 鄧虎

吳曾 曾丰 曾極 嚴滋 曾季經

葉季興 鄧名世 王克勤 鄒安道 吳漸

晏幾道 危正 羅鑑 黃義勇 畢允升

撫州府志

卷五十九

文苑

目錄

艾叔可 鄔慮 詹元吉 周季先 吳蕃

曾子良 陳郁 甘泳 胡以遜 鄭松

曾斗南 戴琳 繆穆 鄔克誠 李進

吳庭蘭

元

馬昂霄 吳皋 詹崇朴 何中 王科

吳寶翁 朱體仁 涂允仁 詹道傳 宋思本

曾旦初 危素 涂潛生 黃德 鄧啟

葛元喆 饒价 陳晉翁 張性 曾堅

張潔

明

胡伯遠	涂幾	周彥宗	揭軌	董養性
甘瑾	王翊	朱彥昌	鄒矩	葛元德
饒侃	黎近	王烈	黃亢宗	饒彝
詹鳳翔	傅滙	謝濟	吳錫	聶大年
梁萼	黎公弁	黎擴	洪鍾	涂祐
黃矩	董燧	帥機	湯顯祖	姜鴻緒
陳致和	徐奮鵬	劉銓	陳際泰	余嘉謀
吳兆璧	饒肇徵	劉宣化	鄧恒甫	潘文雋
歐陽梯	吳堂	黃濯纓	劉鹽梅	鄧璿
羅萬藻	章世純	張應雷	周廷贊	李封萬
王景祥	董潤	樂麟	王宜	曾惟燦
傅文兆	孔大德	黃穎恩	傅占衡	蕭復遠
熊司平	陳孝威	陳孝逸	熊鈺	周鼎
陳蜚英				

撫州府志

卷五十九

文苑 目錄

二

撫州府志卷五十九

人物志

文苑一

唐

楊志堅臨川大厯時人唐詩紀事載顏魯公為郡時志堅嗜學而貧其妻厭之求去志堅以詩送之曰平生志業在琴詩頭上於今有二絲漁父尚知溪谷暗山妻不信出身遲荆釵任意掠新鬢明鏡從教別畫眉今日便同行路客相逢卽是下山時其妻持詩詣州請牒以求別離魯公案其妻曰楊志堅素為博學徧覽九經篇詠之間風騷可撫愚妻觀其未遇遂有離心王歡之廩既虛

撫州府志

卷五十九

人物 文苑

一

豈遵黃卷朱叟之妻必去甯見錦衣污辱鄉閭敗傷風俗若無褒貶徼幸者多決二十任改嫁楊志堅秀才贈布絹各二十四米二十石便署隨軍仍令遠近知悉江左十數年來莫有敢去其夫者

據雲溪友議略增

按劉府志載志堅事於顏真卿傳後今觀此詩甚清新且其人為魯公所敬禮當刻文苑

舊志原跋

宋

蔡元導字濟仲臨川人父宗晏官至職方員外郎元導博聞強記與弟元翰共學貧無書籍有市書者過之畱文史數部經宿還之曰吾已默記商怒曰果爾當焚吾書否則還直元導誦之如習熟者里人目其所曰焚書邱

景祐四年兄弟試茂才異等科俱中選語訐侵主司尋報罷時田况張方平來別曰劉蕡下第我輩何顏元導應聲曰雍齒且侯吾屬無患時以爲名對及歸遁跡麻姑山十餘年嘉祐初太守聶厚載勉使就科舉遂與子承禧同登嘉祐二年進士官終南劍州推官以子貴累贈朝散郎居郡城南

謝逸字無逸臨川人少孤博學工文辭操履峻潔再舉進士不第母喪毀瘠不勝衣黃魯直嘗曰使斯人在館閣當不減晁張嘗自家如京師士大夫迎候相屬詩酒酬酢屢月不能達家居月必一集里中賢士合論古人厚德事書之冊名曰寬厚會自號溪堂嘗寄隱士詩云先

撫州府志

卷五十九

人物 文苑

二

生骨相不封侯卜居但得林塘幽家藏玉唾幾千卷手校韋編三十秋相知四海孰青眼高臥一菴今白頭襄陽耆舊節獨苦只有龐公不入州語意跌宕蓋以自寓所著書有春秋廣微樵談其他詩啟碑志雜論凡數百篇卒年四十五淳熙中太守趙焯繪像祠於郡學祀鄉賢祠

謝邁字幼槃逸弟有英氣嘗爲漕司首薦省闈報罷開軒對竹自號竹友以琴弈詩酒自娛呂本中云謝康樂詩規模宏大爲一時冠元暉清新獨出又自有過人者無逸似康樂幼槃似元暉又云幼槃與兄無逸脩身勵行在崇觀間無所汚染高節見重於時不獨以文兒稱卒

年四十三兄弟所爲文俱傳於世孫源宇資深氣質渾厚以孝友稱紹興末登進士授建昌軍教授轉邵武丞嘗遊武彝題詩朱晦菴謂其句律無慚前輩及卒爲銘其墓曾孫樞字子發刻意問學慶元五年登進士官至通判江州祀鄉賢祠

曾紆字公卷布子善詞翰有志節以廢補官歷州縣崇甯癸未坐黨籍貶零陵與黃魯直厚善紹興二年除直顯謨閣守本郡別號空青有文集十卷初建中靖國景靈宮成詔布銘其碑布使紆代作碑成天下傳誦至淳熙山陰陸游爲常平使者至臨川始得其遺文而知之嘆舉世士大夫知空青不盡云

撫州府志

卷五十九

人物 文苑

三

李郭字子經宜黃人觀書一覽輒記爲文援引沿博不能就有司程度嘗著北事罪言二十篇欲遷都建康取山東關中爲恢復計遍遊江淮見知於張于湖欲試賢良不遇退而著書人號爲書厨周平園楊誠齋謝良齋何月湖陸放翁皆引爲上客有堂名洛誦著文集數十萬言李雁湖跋云博學強記文甚高予來臨川恨識之晚雁湖注荆公詩多得其助所著又有緯文瑣語誠齋爲之跋子夢白字孝伯紹興四年進士仕至廣東提幹入祀本邑鄉賢祠

黃希字夢得宜黃人博學授徒憲使鄒非熊其高弟也希登乾道二年進士官永新令嘗作春風堂於縣治楊誠